

Namienienie

Sł. E. Pryczkowski, muz. Mirosław Sobisz

Jô zwiedzył swiata sztëk
Przez rok, chòc dlô mie wiek.
A szczescé w drëdżi wsë 2x
Rozkwitało dlô mie. 2x

Rôz bël wieczórny sztërk
Czej amòr przëswôł merk
I zaszedł jem w ten gôj, 2x
Dze smùtk sã zmienił w rôj. 2x

Ref (2 razy). Kò namienienie nóm dóné je
Na wszëtczé żëcô dnia.
Że jedna stegna ju je dlô nas
Na piäkny wspólny czas.

Wërzekłé słowò rôz
Co dzén jaż donëchczôs
Lubòtnym zwākã drgô, 2x
A serce do ni gnô. 2x

I chòcbë wiater wiôł
Lëft sekôł òstri szkwôł
Miłoscë naszi chëcz 2x
Nie zniszczi żóden miecz. 2x

Ref. Kò namienienie nóm dóné je
Na wszëtczé żëcô dnia.
Że jedna stegna ju je dlô nas
Na piäkny wspólny czas.